



Шормо эл, порымлык да гыч берр!

25-ше (3257) №,
2016 ий 18 июнь,
шуматкече.

ЯМДЕ ЛИЙ

1933 ий 1 февраль годсек лектеш.

0+

Уста марий еш



Фотом еш архив гыч налме.

УСПЕШНАЯ СЕМЬЯ
ПРИВОЛЖЬЯ
окружной фестиваль - конкурс се.
2016

15-17 июньшто
Финляндийысе Ляхти
олаште Финн-угор калык-
влакын VII тўнямбал
конгрессышт эртен.

Шукерте огыл

Пермьште «Юл кундемысе эн сай еш-2016» фестиваль-конкурс эртен. Тагасымашке Юл кундемысе федерал округын регионлаж гыч 14 еш ушнен. Марий Элын чапшым Марий Турек районысо Элымбай ял гыч Ямбарцевмыт еш (снимкыште) арален. Нуно конкурсышто шкешт нерген ойыртемалтшын каласкаленыт, мастарлыкышт дене палдареныт. Тыге «Мыйын ешем – мыйын поянлыкем» номинацийыште сенгышыш лектыныт.

Валентина ден Анатолий Ямбарцевмыт 20 ий утла пырля илат. Кум икшывым: Каринам, Ульянам да Родионым – ончен куштат. Ача-ава Нартас школ-интернатыште туныктышылан пашам ыштат: Анатолий Николаевич ялозанлык пашалан шўманда, Валентина Нестеровна руш йылмым да литературым туныкта. Ямбарцевмыт спорт дене пенгыде кылым кучат, семўзгар дене шокташ, мураш-кушташ йоратат, кидпашалан мастер улыт, поян пакчасаскам ончен куштат, шуко кайыквусым, вольыкым ашнат. Пошкудо-влак тиде ешым поро кумылан, пашаче улмыштлан да унам вашлийын моштымыштлан пагалат.

Л.ГРИГОРЬЕВА ямдылен.

Шочмо йылме

Кеч-могай калыкын шочмо йылмыже илыме верже дене кылдалтын. Ен-влак тўрлў элыште илат, тугеже йылмыштат тўрлў. Кажныжлан лишыл шочмо-кушмо кундемже да шочмо йылмыже. Мыят шочмо марий йылмем йоратем да аралаш тыршем.

Алина
КУЗНЕЦОВА,
Морко,
Энерсола.



Мурызо-влаклан — кенежымсе школ



Школлаште каникул тўналын гынат, 8-12 июньышто Национальный президент сымектыш школ мўкш омарта гай гўжлен. Тыште «Кенежымсе вокально-хоро- вой мастерской» пашам ыштен. Киров ола гыч «Небесные ласточки» ден «Классика» образцовый хоровой коллектив- влак толыныт. 9-15 ияш 85 йочам пырля мураш Российын сулло артистше Анатолий Львович Кисляков тунуктен (снимкыште). Тудо Российысе В.Попов лўмеш Йоча Кугу хорым вуйлата. Ёдыр-рвезе-влак яра жапыште кўсле дене шокташ, марла кушташ тунемыныт, шун гыч тўрлў арверым ненченит. Марий йылме дене палыме лийыныт. Уна- влак Йошкар-Олан моторлыкшым онченит.

— Паша лектышнам мастерскойым мучаш- лыме лўмеш эртарыме концертыште ужаш лийын, — ойла Национальный президент сымектыш школысо йоча хорым да мастер- скойым вуйлатыше Лилия Александровна Семенова. — Йоча-влак пырля тунемме 13 мурым, тышеч кокытшым марла, йонгалтареныт.

Л.ГРИГОРЬЕВА.

Историйым шергалына

Севастопольын эн кўкшў верже — Малахов курган. 1853-1856 ийлесе Крым сар годым англичан-фран- цуз-турко войска, тиде кўкшакам сенен налын, Севастопольым руалташ шонен. Олам кок кече бом- битлыме деч вара, 1855 ий 18 июньышто тушман Малахов курганыш да Севастопольыш иканаште керылтын. Но руш войска виянрак лийын.

Лагерыште сай

Школыштына 6 июнь гыч «Защитник» военно-патриотический лагерь пашам ышта. Тушко кумло тунемше куанен коштеш. Эрдене заряд- кым ыштена. 22 июнь — Ойганен шарны- ме кече — вашеш заметкым возенна, сўретым сўретленна. Воспитатель-влак Г.М.Николаева, К.О.Васильев, А.И.Уча- ев да А.А.Сапаев тўрлў мероприятий- ым эртарат.

Евгения ВАСИЛЬЕВА.
Волжский,
Сотнур.

Спорт - йолташем

Кенежым чотак сай. Шукынжо йўштылаш йўратат. Вўдыштў пуш дене кошташ, кылым кучаш лиш. Ме, рвезе-влак, футболла модына. Мый эше баскетболла модаш йўратем.



Денис ТИМОФЕЕВ.
Волжский,
Корамас.

19 июнь - Ачам кечыже



Йўратыме енем

Ачам Александр Ми- хайлович Ала- ний Республикыште ремонтно- восстановительный войскаште служитлен. Эрдене зарядкыш коштыныт, вара тунемыныт, кастене машина, танк-влакым тўрленит. Ачам мотор вершўр, шокшо игече, тўрлў саска кушмо нерген мыланна каласкален. Старший сержант лўм дене мўнгтў пўртылын.

Даша ТОБЕКОВА.
Куженер, Конганур.

19 июнь - Медицине пашаен-влакын кечышт

Эмлызе лийнем

Мый йоча-влакым чот йўратем. Садлан педиатр профессий келша. Тиде пашам икшывым йўратыше, тудым умылен, чаманен моштышо ен гына шуктен кер- теш, шонем. Черле икшыве-влаклан пол- паш, тазалыкыштым аралаш шонен, мый ончыкылык илышем эмлызын профессийже дене кылдынем.

Татьяна АЛЕКСАНДРОВА.
Провой кундем, 2-шо номеран
Красногорский школ.



Тунемаш келша

Кокымшо классым вич ёдыр да кум рвезе сайын тунем лекна. Тўрлў мероприятийыш- те вийнам, уш-акылнам тергенна. Мый лудаш, возаш, шотлаш йўратем. Снимкыште мый улам.



Лиана КУДРЯШОВА.
Морко, Шордўр.

22 ИЮНЬ – ОЙГАНЕН ШАРНЫМЕ КЕЧЕ ТИДЕ КЕЧЫН 75 ИЙ ОНЧЫЧ КУГУ ОТЕЧЕСТВЕННЫЙ САР ТҮНАЛЫН

Йөсым сенен

Мый шуко йоча семынак тыныс жапыште шочынам. Кугу Отечественный сар нерген ковам каласкален. Тудо тунам тылыште пашамыштен. «Неле лийын гынат, чытенна, – ойка ковам. – Сеҗымашлан йшаненна, тидыже йөсым сенаш каласаш лийдыме вийым пуэн».

Ковамын изаже-влак тушман ваштареш кредалаш каенят. Иктыжат пörтылын огыл. Садлан ковам Кугу сар нерген шинчавуд деч посна нигузе шарналтен ок керт.

Ирина УТКИНА.
Морко, Коркатово.

Кундемна гыч Кугу Ачамланде сарыш 126 пörьен каен. Кудло утлаже веле пörтылын. Нунын коклаште – Совет Ушем Герой Е.А.Алексеев. Евсей Алексеевич артиллерист лийын. Днеприм налмаште тушманын ятыр техникыжым, огневой точкыжым пытарен. Кугу подвижым элна тыге күкшын аклен. Сеҗымаш пайрем лүмеш эртарыме митингыш геройын үдыржө, Роза Евсеевна Романова, толын ыле. А мыйын кугезе кочам, Иван Ефимович Ефимов, увер деч посна йомын. Шукерте огыл тудым Белоруссийысе иза-шольо шүгарлаш тойымо нерген уверым нална. Йоча-влак, кугезе кочадам ида мондо. Нуно мыланна волгыдо илышым пöлекленят.

Марий Турек,
Сардайл.



Катя ФОМИНА.

Шочмо элым арален

Кугезе кочам Алексей Афанасьевич Сандаков 1942 ийыште шочмо элым аралаш каен. Тудо миномётчик лийын.

Сар корныжо Ленинград олаште тўналын. 3-шо Белорусский фронтын войскаштыже кредалын. Восточно-Прусский операций годым шуко олам фашист тўшка деч утареныт. Имне орваш але терыш оружийым оптен, телымат, кенежымат сар корным эре йолын ошкылаш логалын. Кугезе кочам Берлин марте шуын. Шуко медаль да орден дене палемдалтын. Мөнгыжө 1946 ийыште пörтылын. Ешым чумырен, кугезе ковам дене шым йочам ончен куштын. Кугезе кочам 1991 ийыште ош тўня дене чеверласен.

Кристина САНДАКОВА.
Йошкар-Оласе 14-ше номеран гимназий.

Кугу Отечественный сар нерген ме кинофильмла, книгала гыч веле палена. А вет тиде кугу ойго ик ешымат коден огыл. Кугезе кочамым, Иван Васильевич Козы-



Юра МОЧАЛОВЫН сүретше.
Советский, Орша.

ревыв, Оршанке военкомат 1941 ий 24 июньышто сарыш колтен. Кочам 275-ше артиллерийский полкышто служитлен. 1942 ий июльышто увер деч посна йомын.

Родион ЕМЕЛЬЯНОВ.
Оршанке, Тошто Крешын.

Йöратыме коваем

Мыйын Рита ковам 1940 ий 1 ноябрьыште Буймо ялеш шочын. Йоча жапше сар пагытыште эртен. Ачаже сөйыш каен, аваже колхоз пашашке коштын. Ковамым Надя акаже ончен. Начар кочмылан көра ковам кум ий марте ошкылынат огыл. Школышто сай тунемын. Мый ковамым пеш йöратем.

Настя МАТВЕЕВА.
Татарстан, Агрыз, Буймо.



Садеран ялем

Йошкар-Ола-Куженер асфальт корно воктене кок уреман Агытансола ял верланен. Коклаштышт – корем. Ик урем мучашыште памаш йоген лектеш. Тудым ял калык Купшерка памаш манеш. Тышке ўдырамаш-влак вургемым шўалташ толыт. Ял мотор пўртўс лонгаште шинча. Кажне ешын – чапле сад-пақча. Ялна йырысе корем-влак тўрлў легендым шарныктат. Тушто могай гына саска ок шоч! Корно вес могырышто – кўсото. Тиде верым калык пагала, арулыкым эскера. Садеран ялем нерген поро шомакым гына каласем.

Мария ЧИРКОВА.

Медведево, 3-шо номеран школ.

Караскан памаш

Вончўмбал ял воктене памаш йоген лектеш. Воктеныже пўя уло. Памашым Караскан маныт. Лўмжў тыге лектын.

Илен улмаш Караскан кугыза. Тудо пўртўсым пеш йўратен. Икана мланде йымач шыжалт лекше вўдым ужын. Тиде вереш палым ыштен – кўртным кералын. Вара, лакым келгемден, таве пурам вераңден. Вўд лың темын, ведра денат кошталаш ситен. Сылнырак лийже манын, шонгыен памаш йыр пушенгым шынден, таве йыр онам шарен. Калык Караскан кугызалан сай пашам ыштымыжлан таум ойлен. Илен-толын, памашым «Караскан памаш» манын лўмденыт.

Алёна ВАСИЛЬЕВА.

Морко район.



Пўтъялем

Поян улат тый калыкклан, Кумда пасу да чодыралан, Яндар южетлан куанем, Нўлталт, тўзлане, Пўтъялем!

Илья МАКСИМОВ.

Волжский район.

Шернурем

Шере нурыш лектам мый эрдене, Йырымваш ончалам кугешнен. «Пиалан мый улам, пиалан!» – Ойлынем кумдыкеш чылалан. Шернурем пеш поян калыкклан, Мўй таман пасулан, олыкклан. Пурьде, тый ит кае эртен, Ме унам вашилийына куанен. Унала мый ўжам пагален, Ончыктем кундемем йывыртен. Теве Шаба эңер тўрлў коллан поян. А Лаж олык ўжеш:


«Канаи тышке шич-ян».

Пеш тораште эрта
памаш вўдши йоген,
Сийла кажне унам
пешак тамле вўд ден,
Пўлекла сай тазалыкым
лач курымлан,
Лиеш кажне айдеме
кугу ўнаран.

Снежана ПЕТУХОВА.
Шернур, Марисола.

Палыза

Марий Элыште илыше кайык-влак кокла гыч тудо ик эн моторлан шотлалтеш. Мемнан дека эр шошымак чоңештен толеш. Тиде могай кайык?



Костя ОКатовын
сўретше.
Волжский, Сотнур.

Сылне кундемем

Куэрсола ялем кугу огыл гынат, мый тудым чот йўратем. Тушто кушшо кажне пушенгым палем. Шочмо верыштем пўртўс пеш мотор. Пурла велне ладыра куэ-влак кушкыт, шолаште уچار пасу шуйналт возын. Олыкышто тўрлў пеледыш пеледеш, кундемнам сўрастара. Моткоч сылне шочмо мландем!

Анастасия ЗЕМЛЯНИТСКАЯ.
Волжский район.

Мый йўратем ял мучаште куэр воктене шинчыше пўртнам, садеран шочмо-кушмо ялнам. Воктенак ўшўт эңер йога. Тушто тўрлў кол ила, вўдыштў лудо-комбо-влак ийын коштыт, шукш-копшангым кычалыт. Курык серыште кенгежым снегым да мўрым погена. Эңер сер мучко мотор пўрт-влак шогат.

Вадим БЕЛЯЕВ.

Куженер, ўштымбал.



Мотор Йошкар-Ола ўжеш унала



Ўмаште
Марий Эл Рес-
публикышке 560 тў-
жем турист ден экскур-
сант толыныт. Тений
январь-апрельыште
119 тўжем ег
лийын.

Ятыр тунуктышо тунемше-влакым «Российын географийжым пеш удан паледа» манын шылтала. Йоца-влак Российыште 85 регион улмым, олалам огыт пале. Тиде ситыдымашым кугыеҥ-влак коранден кертыт. Мутлан, молан ача-ава-влаклан икшыве дене пырля Камчаткыш але Байкалыш миен толаш, Урал курыкын моторлыкшым ончал савырнамш огыл? Кумда Россий дене кугешнымаш шочмо верым пагалынамш гыч тўналеш. Палаш оҥай, Марий Элыште ылыше мыняр йоча, Йошкар-Олашке толын, тудын моторлыкшым куанен ончен? Кушто могай площадь верланымым, молан тудым тыге лўмдымым, могай памятник улмым пала мо? А вет Йошкар-Олам каныш кечын ончал савырнамш темлыме Российысе эн сълне 15 ола радамшыке пуртыммо. Пытартыш жапыште Йошкар-Олам «Россий покшелне верланыше Европо» манын лўмдат.

Оболенский-Ноготков, Республике да Эн Святой Мария Ёдыр, Патриарший площадьлаште нарынче футболкан ёдыр-рвезе-влак вашлиялт-тыт. Оныштышт «Помощь туристу» манын возымо. Нуно турист волонтер-влак улыт. Марий Элыште тыгай толкын шукерте огыл шочын. Тудлан тўналтышым Йошкар-Оласе турист да увер рўдерым вуйлатыше Светлана Владимировна Зверева пыштен.

Турволонтер-влак Йошкар-Олан историйже музейыште погынат. Нуно турист-влаклан польшым пуат, тўрлў проектым ылышыш шындарат.

Шукерте огыл Озан олаште эртыше турволонтер-влакын икымше слётышт гыч пўртылыныт.

– Кеч-могай олашке экскурсий дене мийымеке, воктекет лишемын, чылажымат раш умылтарат, эше ончыктат гын, чонлан сайын чучеш, кумыл нўлталтеш. Ты олаште



Волонтерлан МарГУ-н, ПГУ-н, Торгово-технологический колледжын студентше-влак ыштат. Кугурак класслаште тунемше-влак, кумылда уло гын, нунын радамшыке ушнен кертыда.

ылыше-влак нерген поро шонынамш шочеш. Пашанам шуктышыла, тидым шотыш налына. Пытартыш жапыште Йошкар-Олашке шуко турист толеш, – палдара турволонтер толкыным вуйлатыше Маша Иванова. – Волонтер-шамыч, Экскурсовод-гид-влакын шко-

лыштышт шинчымашым налмеке, ола мучко экскурсийым шукерте огыл шкештак эртараш тўнгалыныт. Ирина Ивановалан, Лиза Васильевалан, Сергей Алексеевлан, Света Перовалан кечкунам ўшанаш лиеш.

– Маша, турист-влак мо шотышто польшым йодыт?

– Тўн шотышто кушто мом ончаш лиймым умылынешт. Марий калык кочкышым тамлен ончынешт. Окса дене кылдалтше ятыр йодышым пуат.

– Олаштына тўн шотышто мом ончат?

– Изи Какшан эҗер серысе Набережный мучко йывыртен ончен коштыт. «Российыште тыгай мотор вер Йошкар-Олаште веле», – манын ойлат. Шукынжо чап-ланыше Йошкин пырысым уҗнешт.

Йоча-влак, кенез канышыштыда Йошкар-Ола дене уэш палыме лияш вашкыза! Кўлеш гын, турволонтер-влак полшат.

Л.ГРИГОРЬЕВА.

КУТКО ТҮНЯШТЕ



«Уй, шудыжо могай кужу! Корныжо кушто гын? Кушто улыт моло кутко йолташем-влак?» – семынем кутырен-кутырен, чара верыш лекнем. Йолем ноен, йүмемат шуэш. Теве корно койылалтыш.

Мыйже мо татыште ойырлен шуктенам? А-а-а! Снегым тупышкем пыштен кондынем ыле, но тудыжо эше пелегүшө.

Кече пеш сайын пелта, сандене шем вургемем йылгыжалта веле. Мемнан тукум шем вургемже, пашаче улмыжо да чулым кужу йолжо дене ойыр-

темалтеш. Ешнажат моткоч кугу: кок кочам, кок ковам, ачам, авам, акам ден кум изам, енгаем-влак... Шукерте огыл мемнан деке чүчү ден чүчүньо ешышт дене илаш толын-ныт, сандене ме куткышуэнам эшеат кугемдыне-на. Паша шолеш веле: көргыштö төрлыман, шокшемдыман, тужвалне кўшыл пачаш-влакым ешарыман... Икманаж, кажныжын шке пашаже уло. Эше тельлан кочкышым ямдылыман. Изи-шамычлан

Тушто
Модыра покшелне кумыктымо пура подшолын шинча.

веле сай да ласка – мод, мыняр кертат. Иктат ок чаре. Нуно ўчаш-ўчаш кудалыштыт, шылын модыт. Могай сай кутко илыш! Нимогай уто шомак уке, икте-весым умылен, утым кутырыде, рўжге пашам ыште веле.

Вучыдымын пычкемыш лийын кайыш. Мо тыгай? Эше кече шичме жап огылыс! Кўшкө ончал колты-

шым гын... Шўч гай шем пыл кавам йыр авыра. Вашкен куткышуэш кудалман, рож-влакым петыркалыман. Фу, чылт пўжалт пытенамыс. Молан талын куржын ом керт? Йолемже-влак пуйто пуналтыныт... Почешем молат шўлешт-шўлешт вашкат, мыйым ончылтен-ончылтен чошат. Так кўдырчö рашкалтен колтыш гын! Теве пылышчорам кушкедла. Лўдмем дене кычкыралынат колтышым да вучыдымын... шке йўкешемак помыжалт кайышым! Мыйже омым ужам улмаш аман. Йора тыгай омым ужым. Уке гын, кушеч кутко илышым тыге сайын пален налам ыле?



Анна БОГАТЫРЁВА.
У Торъял, Токтарсола.

Илен улмаш Маша лўман ўдыр. Тудо пеш поро лийын, чылалан полшаш тыршен. Икана Маша чодырашке понгым погаш ошкылеш. Корзингажым пеш вашке тема, но мўнгыжö каяш ок вашке. Ломбыгичкым тамла, энжыжым кочкеш. Кенета йынгысыме йўкым колеш. Ужеш, келге лакыште пириге йолжым кучен шортын шинча. Мо лиймыжым йодынат ок шукто, ава пирын сөрвален йодмыжым колеш: «Поро ўдыр, игемым утаре!» Маша тыманмеш лакыш тёршта, сусыргышо пиригым аважлан шуялта.

Тиде жапыште узо пират толын шуэш. Ўдырым ужешат, пеш йывырта, йырже пёрдеш, пуйто кочкаш ямдылалтеш. Но ватыже тудым чара: «Ит тўкө ўдырым,

Поро паша ок йом



тудо игынам лаке гыч утарыш». Узо пире йывырген колтыш, ўдырым вуйжо гыч ниялтыш. Маша, мўнгыжö толмеке, корзингам кудывечыш кодышат, писын ветеринар деке ошкыльо. Туддеч кўлеш мазьым, бинтым налят, чодыра вельш куржо. Пириге тугак йынгыса. Аваже воктеныже шортын шинча. Ўдыр пиригым моштымыж семын эмлыш. Пириге шортмыжым чарныш, эркын йол ўмбак шогале. Ава пире пеш куаныш, а узо пире Машам чодыра гыч ял марте ужатыш.

Ўдыр пиригым йол ўмбак шогалтымыжлан тунар чот йывыртыш. А эшеже öрö, кузе пире умшаш логалын огыл?

Арам огыл калыкыште ойлат: «Поро паша поро дене эрта».

Катя ФОМИНА.
Марий Турек, Сардаял.




Ой-кагаш лаштык

Велосипед дене кудалме годым уремыште перный коштышо озадытме пий пижедылеш. Утлаш манын, писын кудалаш ида төчө, садикте покта. Те, мөнгешла, кенета чарналтыза да, велосипеддам аралтыш семын кучылтын, пел могыр дене эркын ошкылза. Лап лайын, күм налшыла койза. «Нельза!» манын пентгыдын командым пуыза. Насос дене сидендам але ончыл оравадам перыза.

Йодыш: Мүкшиге, каласе, кизамым пүшкыл-мекет, мылам мом ыштыман?

– Эн ондак умделым э-эркын шупшын лук. Пүшкылмө вер ынже пуал манын, йошкар-күреналге тусан марганцовко вүдеш нөртымö лапчыкым пыште. Кид йымалнет марганцовко уке гын, шинчалан вүдым ыштен керташ. Тудыжат уке гын, лопшудым але корнышудым (подорожникым) пыште. Йүштö вүдеш нөртымö лапчыкым але иктаж йүштым пышташ лиш.



Йодыш:

Ик кечыште мыланна, йоча-влаклан, мыняр мүйым кочкаш лиш?

– Мүйым кок ияш икшывылан пуаш тўнжалан лиш. Кечыште кугыекнан лу чай совла мүйым кочкаш ойлат, йочалан – нылыт-визыт.



Иммунизаций изи йоча-влакым ы р л ы г а н (корь), столбняк, дифтерий, гепатит В да моло инфекций чер деч арала.

Шарне:

чодырашке але олыкышко – кушто мый – чонештылам – лекмет годым духим да ўпышкет лакым ит шыжыкте. Тыгай пушым чытенак ом керт – сырымем дене вик пүшкылам.



Пашам ыштышыла, телефонысо мурым колыштнеда, но йүкшö начаррак шокта. Телефондам изирак күмыжыш пыштыза – вианрак шокта.



Шинчалыкыштыда изи винтик эре рончалтеш? Тугеже пеш йöнан огылыс, эре төрлатыман. Винтикым пүтырен пентгыдемдымек, тўсдымö лак дене йыгалтыза.


Торыкан снеге

КҮЛЫТ: 60 г снеге, 50 г торык, 20 г шөр, 5 г лимон сок, 10 г сакырложаш.

Снегым шолтен йүкшыктарыме вүд дене мушса. Пелыжым күмыжыш опталза да сакырложашым шавалтыза. Торыкым сакырложаш, шөр да лимон сок дене варыза да шонамешкыже лугыза. Чыла тидым снеге ўмбак пыштыза, вара кодшо снегыжым опталза. Ик жап холодильникиште шинчыктымек, кочкаш лиш.



П л а с - т и к а т ы - ш т е , х о л о д и л ь н и к ы ш - т е а л е э с о г ы л у о к с а г а л т а ш т е и к - т а ж п у ш у л о г ы н , г а з е т ы м п ы ш - т ы з а .



* Чиемыштыда күртнө молний пөгыдемын гын, кукушо шовын дене йыгалтыза.

* Юзгунам иктаж кушко вучыдымын миен пернет. Тиде вер ынже какарге манын, озанлык шовын дене йыгалтыман.



Шовын молан полша?

* Чодыраште, пакчаште коштшыла але шўжшудым күршыла почкалтыш когартен кертме верым, мутлан, кидвургым, кукушо шовын дене йыгалтеда гын, почкалтарымым огыда шиж.

Индекс 78574. Тираж 1300 экз. Заказ 1875. Формат – А-4-8. Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru Сайтын адресше: yamde-lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК: Марий Эл Республикасе культур, печать да национальность паша шотышто министерстве, "Ямде лий" газет" кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерше Федеральный службн Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

Печатыш пуымо жап – 14-00, фактически – 13-00. Ак – кутырен келшыме почеш.

Авторын да редакцийын шоньмашыш түрлө лийын кертыт. Серыш-влак мөнгеш огыт коллат.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.

0+



Марий Эл
 Республикысе
 чодыралаште
 шуко түрлө ян-
 лык ила. Эн шу-
 ко меран уло. Кум
 түжем наре пур-
 сак меран (заяц-
 русак) да 30
 түжем утла
 ошмеран (заяц-
 беляк) илат.



Чодырам аралыза!

Стелла КУЗНЕЦОВАН
 сүретше.

Морко, Шүргыял.

Шошо
 гоч окна ончылно
 ончен куштымо помидор
 росотам йырангыш луктын
 шындышна. У Арбан йочасадыш
 коштымо ньога-влак шке воспита-
 тельшытлан пеш полшышт (сним-
 кыште). Тыге изинек пашалан
 тунемыт.

И.НИКИТИНА.
 Медведево район.

«Р» буква

Мый «Р» бук-
 вам возаш йөра-
 тем. Молан? Тиде
 буква дене фамилием
 тўналеш, понго гай
 коеш. Мыланем понгым погаш
 чотак келша.

Катя РАССАНОВА.
 Морко, Коркатово.

Синк-
 вейн

Кенез

Шокшо, сылне.

Модыкта, ырыкта, йўштылыкта.
 Шуко емыжым почыкта!

Каникул!

Иван РЕПИН,
 5-ше класс.

Советский, Ёрша.



Пеш
 кўлеш годым
 тудым кудалтат,
 а кўлдымыш лек-
 теш гын, нёлта-
 лыт. Мо тиде?

Ик ег илыме
 курымыштыжо
 кокла шот дене
 куд слонын
 нелытше наре
 кочкышым
 кочкеш.

Палыза

Могай янлык шин-
 чажым кумыде
 мала?



Лу ойыртемым му.



Кроссворд «В.Колумб»

Шола гыч пурлашке:

1. В.Колумбым СССР писатель уше-мышке могай ийыште пуртеныт?
4. Поэтын руш йылмышке кусарыме «Стихи» лўман почеламут книгаже могай ийыште савыкталтын?
6. В.Колумб Олык Ипай лўмеш премийын лауреатше лўмым могай ийыште налын?
7. В.Колумбын шочмо ийже.

1 июльш-
 то Морко районы-
 со Нурўмбал ял вок-
 тене республикы-
 се Колумб луд-
 маш лиш.

Кўшыч ўлыкō:

2. З.В.Учаевын В.Колумб нерген «Мут чолгалык» лўман шымлыме пашаже могай ийыште лектын?
3. Уста поэтын «Чиемым ончен вашлийыт, усталыкым ончен ужатат» литературно-критический статьяже могай ийыште «Ончыко» журналеш савыкталтын?
5. «Эре чонешташ, чонешташ» почеламут сборник могай ийыште шочын.

Н.ИЛЬИНА, туныктышо.
 Волжский, Карай.

